

Juan Jesús Chanimara Faafo

Afianã Kirika Kenexõ Fomani

Juan a Nios Ifofaafa ato kirika kenexõ ato fomani

¹Ēkĩa Juan, ě Jesús Ifofaafa ě ato kexemis ě mato kirika kenexõ fomai mã täpinõ. Mã mã täpia Niospa mato katonu afe yorafo mã inõ. Chanima, ě mato noikõ, eres fistima, a Jesús Ifofaafa feta ě mato noikõ. ²Nõ mato noikõ Jesúsmã nofe rafeano. Akka mã Jesús nofe rafepakenaka. ³Efe yorafãfe, ě mato yoisharanõ. Nõko Epa Nios feta ãfe Fake Jesús noko noikõ. Nãskakẽ noko noikõiyana nõko õiti mẽra noko inimamasharai, nõko õiti mẽra nõ inimasharakõinõ.

⁴Mẽ täpia ě inimaifinakõ ranãri mã isharakõiaino a Epa Niospa noko yoini keskai. Nãskakẽ ě matoki inimakõini. ⁵Ea nikakãfe ě mato yoisharanõ, mã ranã noinãkãfe. Mã mã nikamiskĩ mã mã Jesús Ifofakĩ taefanitĩa. Akka ěa shinãxõ ě mato meka fena kenexonima, mã mã nikamis. Nãskakẽ mã ranã noinãsharakãfe. ⁶Nõ Nios noikĩ a noko yoiai keskara nõ aki. Niospa taefakĩ noko yoiaito mã mã nikamiskĩ isfafakĩ yoiaito: “Mãa ranã noinãkãfe,” ixõ noko yoiaito mã mã nikamis.

Ãa anorima yoikĩ ato pãramisfo

⁷A ãa ato pãramisfo ato mẽra fofãsamisfo. Afãfe, “Na Jesucristo Niospa Fake Apa Nios ariax oni feronãfakekõi ixikĩ,” ixõ yoimisfoma.

Afãfe ato pãrapaimisfo Cristo noikaspakata imisfo. ⁸Mãri ato keskara iyamakãfe. Shinãfai ikãfe ato keskarama. Mã askakĩ mã ato Nios yoisharaimano täpitirofoma, fenotirofo. Akka ato Niospa meka mẽstekõi ato yoisharakõikãfe Nios täpisharakõinõfo. Nãskakẽ mãri afara shara a Niospa mato mekexona mã fitiro, mã Nios yonoxosharakĩ.

⁹Akka fetsafãfe a Cristo noko yoiai keskara nikayamakaxõ anã shinãkanima, ãa fanĩrira shinãkani. Afokai Nios fe rafeafoma. Akka fetsafãfe a Cristo yoiai anori nikakanax Apa Nios fe rafekõikata ãfe Fake Cristo feri rafekani. ¹⁰Akka yora fetsa matoki oxõ Cristoõnoa yoisharaima fanĩrira yoi, askara fe rafeyamakãfe. “Noko Niospa meka yoife,” fayamakãfe. ¹¹Nãskakẽ askara yora mã chanimara fakĩ afe rafexõ afeta mã anorima yoitiro chaka shinãkĩ.

Mã Juan mekai xatekĩ ato yoisharani

¹²Ē mato kirika kenexõ ichapa fomapaifikĩ askatamaroko ě matoki nokopai mato fe yoinãxiki. Ē matoki nokoano nõ inima faatanãsharanõ.

¹³Nã efe yora mĩstichĩ, Nios Ifofafo nonoax ichanãmisfo afãferi. Nã tii ě mato yoi kirika kenexõ.

Ēkĩa Juan